

九江府志卷一

地理志

星野
古蹟

疆域
風俗

沿革
物產

山川

水利

津梁

作史必兼志地史家罔不然已第舉輿地一綱實該眾目
若分野星測躔舍宜參遷史之天官書建州名証古今

通歐史之職方考既表山鎮復察水衡體宜擴乎溝洫志

河渠書遠稽土姓近驗民風例宜詳乎廣輿寰宇等記橫

被六合大哉著作之庭也而一州一郡亦可揚權而 焉

九江分應斗躔界連吳會雖州路郡縣稱謂不常枕山

江厥為歷朝重鎮矧偶值震驚旋經底定紀斯地者觀星

九江府志

卷一

地理

星野

一

文則弧矢銷光察疆圉則山川重秀珍貢稽名於水陸行

程記日於關津據懷古之謳吟履先疇之畎畝殫見夫時

和俗茂庶物蕃滋能不頌曰

盛哉斯世歟志地理

星野

吳地斗分野也今之會稽九江丹陽豫章廬江廣陵六安臨淮

郡盡吳分也

漢書地理志

自南斗十二度至須女七度為星紀於辰在丑吳越分野屬揚

州斗牽牛須女吳越揚州九江入斗一度

晉書天文志

北方南斗六星南星者魁星也北星杓也石申曰魁第六星主

九江 宋史天文志

蒙山以東至南江會稽震澤徐揚之州屬權星大別以東至雷

澤九江荊州屬衡星 春秋文耀鉤

南斗牽牛星紀之次初斗十一度外末女七度內於分爲吳越

於辰在丑於野在揚自漢廬江九江負淮水之南盡臨淮廣陵

九江入牛五度 于大吉天文祕訣

玉衡第六星主揚州常以五巳日候之癸巳爲九江 星經

斗六星二十五度爲吳分野南康斗四度九江入牛五度 分野圖說

九江府志 星野 卷一 地理 一一

九江南康吉安禹貢荆揚二州之域星紀斗分 清類天文分野

牛六星七度吳之分野九江揚州淮安湖州溫州 章大力星次分野

星紀度數漢志引黃帝分星次起斗十一度至女七度蔡邕起

斗六度至女二度皆得二十九度費直起斗十度至女五度晉

志起斗十二度至女七度唐書起斗九度至女四度皆得二十

八度是星紀不得與諸辰均矣晉志以豫章入斗十度廬江入

斗六度九江一度而星紀之次乃起斗十二度則星紀析木各

得斗度之半豫章與九江廬江皆不得居星紀當入析木之津

矣惟元郭守敬起斗三度七十六分八十五秒終女二度六分

三十八杪則斗牛正在星 之次吳越亦當牛斗之分而各辰
度數皆均庶幾近之諸家星紀之度皆不足三十其分野數千
里約二百里不能當一度九江豫章相距二百里而遙而遂差
九度則盡星紀之野雖百度不給也且界以彭蠡則九江濱湖
北豫章濱湖南經以江漢則九江在江南廬江在江北九江一
度豫章十度乃自北而入南而廬江六度又自南而入北則星
宿亂矣安所取衷哉

撫州舊志

一統志豫章十三郡皆禹貢揚州之域而九江南康則地兼乎
荆天文斗分野而九江則宿兼乎牛考牛宿本位居丑之次爲

九江府志

卷一

地理

星野

三

吳越揚州之分六星凡七度此王勃所謂斗牛之墟者乎然斗
二十五度所分野之地週數千里躔度次舍宜有鑿然不爽者
考之天文諸書以及各郡舊志類皆沿習異同不能分晰各度
乃蒐求遺書獲殘卷三帙二十八宿分野之圖說僅存云斗六
星二十五度爲吳之分野南昌入斗八度饒州廣信同居七度
瑞州三度建昌五度撫州六度吉安九度贛州十二度南康臨
江袁州南安俱斗四度而九江則入牛五度雖分郡甚晰然與
九江入斗一度豫章入斗十度從前諸家又相逕庭矣

江西志論

晉志自南斗十二度至須女七度爲星紀于辰在丑國則吳越

州則揚州又析斗女分豫章入斗十度九江入斗一度今考劉青田分野細數九江南康廣信三府俱屬斗二十度而八斗一度者乃江甯揚州二府

府舊志

班固地理志以斗牛爲吳分野九江屬焉瑞昌九江屬邑相去不數十里星野將安辨之嘗考蘇軾辰次圖以南斗十度爲吳之頭以軫十度爲楚之尾費直星厯南斗三十度屬豫章軫之十度屬武昌瑞昌楚之尾也接壤武昌星次似宜爲軫不爲斗

瑞昌志

九江分野細數或斗牛異宿或權衡異星或一二十異度而斗

九江府志

卷一

地理

星野

四

一度在寅爲析木之次并吳揚有不盡屬星紀者矣尤難曉者豫章鄰郡也而據晉志差九度南康鄰府也而據殘卷差二十六度不惟與二百五十里當一度之數大遠卽相屬以氣不繫方隅不應遼絕若是天道元遠欲密反疎大抵星紀之分斗牛之間勿鑿可也

湖口志

魏太史令陳卓論郡國所入宿度九江入斗一度廬江入斗六度豫章入斗十度彭澤爲九江屬邑斗旣爲九江分星則亦彭之分星也然泥于屬縣之說前此屬廬江矣其入斗之六不入斗之一乎又嘗屬豫章矣其易斗之一而入斗之六又易斗之

六而入斗之十乎且瑞亦屬邑說者謂其近楚尙欲以軫當之南康與九江一匡山隔耳而分野圖說以南康爲斗四度九江爲牛五度然則星野之同不以地相近相統而以氣相屬乎九江五邑惟彭最古禹貢彭蠡澤在西因以名縣漢末有彭澤郡隋開皇間改尋陽爲彭蠡縣南唐保太中以彭澤二鄉析置湖口縣是今九江之地大半古之彭澤雖析而分之其天文相麗一也然則地相聯氣相屬謂與九江同八斗一度也可

彭澤舊志

天體渾圓而不可分必據其可分者以分之故歷家隨日月所經卽恒星之大而著者分天爲十二辰二十八舍然後度數可

九江府志

卷一

地理

星野

五

稽日月之食可逆推而得分至啟閉之節可辨乃以閏月定四時成歲以此授時而敬天勤民之道於是乎達蓋歷法分天非分地也自保章氏以星上辨九州而分野之說起卽如其說在天一辰得三十度三十分有奇豫州不滿千里而配大火揚州延袤六千里亦只配星紀天之度無盈縮而地之理有廣狹何不均之甚乎志書例紀星野博採羣書並存眾說以俟博雅君子焉

彭澤舊志

補遺

係奉省志局抄發時因志板已鐫未便按類依次編入特補載各目以俟後之修者

古者封域各有分星以主占候不必拘于幅員之廣狹道里之

故星度多少不能與地望悉合黃道十二宮不過推步家借以立算實則宮次隨時改移宿座萬古不易漢時星紀起斗十一度至女七度後因歲差恒星東徙約七十餘年而差一度今則星紀起箕四度至斗末度而止以今視昔已差十餘度矣况九江之名列代建置不同各家占候或主斗一或主牛五紛迄無定論郡縣志乘相治首列星野一条大概采錄史志畧備門目而已較之牽連葛藤者不猶愈乎